

Nazarene Missions International



KHUTCHOIBU

Global Edition

**Nazarene Missions International
North East India District**

Office: Hmar veng (Teddin Road), Opp.D.T.O., Churachandpur,
Manipur - 795128

Nazarene Missions International



KHUTCHOIBU

Global Edition



Phondohna

Hiche Nazarene Missions International (NMI) USA/CANADA khel lama vannoi pumpi a houbung jousen amanchah dinga kistem ahi. NMI thiltup le bidoi hi vannoi pumpia gamkai jousea kibang sohkei ahi. Ipi chu hijongleh thiltup leh bidoi ho suhbulhitna dinga akip-akoi ho chu hiche vannoi pumpia dinga kigong pen a hi panglou maithei ahi. NMI Danbu (Constitution) a vekah ding kiti ho hi abung jouse a achaina melchih ding (endnotes) a hin a pang sohkei jin ahi. Global NMI office team le Global NMI Council in vannoi pumpia l houbung hou hi NMI insungmi a apanthei sohkei dinga bailam jep'a sim ding hi athiltup u ahi.

BUNG 1

Nazarene Missions International

Nazarene Missions International hi vannoi pumpia tolsung houbung ho a Global Mission lungchang (gelkhoh) pen chu ahi. NMI hin Global Mission toh level jousea hin kitimat tah in na atohkhom in ahi, hichu – local (tolsung), District, Field leh Regional chuleh Global lamkai ho atina ahi.

Thiltup (Purpose)

NMI thiltup chu ahileh houbung hi taona, seijuisemna, thilpeh chuleh themjilna lam a amachal ding chu ahi.



Bidoiho (Objectives)

- 1. Taona (Praying)** – Lamkaiho leh houbung ho taopeh ding, chuleh Lhagao Theng in mijouse Christa henga apuilutna dinga tao ding ahi.
- 2. Seijuisem (Discliping)** – Khonunga Missions lamkai ding ho panlahsah a semdoh ding, ahideh a khangdong ho le chapangho, miho Christa tobang seijui a sem ding ahi.
- 3. Thilpeh (Giving)** – Christa lenggam machalna dinga, ahideh a World Evangelism Fund a hi eimaho tah le ithil nei hou toh kipumpeh ding ahi.
- 4. Themjilna (Educating)** – Vannoi in angaichat ho chu miho hetsah ding chuleh chuche ngaichatho chu Christa a kona muthei ahi ti ihoubung hou hetthem sah ding ahi.



Tolsung Houbung (Local Church) NMI

Iti kisemdoh ding ham

- Pastor in houbung miho kiloikhomna ding hin goung intin hichea kona chu mihon NMI thiltup leh bidoi chu ajildoh diu ahi. Ahithe le NMI President/lamkai gonpeh/lhendoh ding ahi. Chujongleh President le Pastor kithopi ding midangho jong lhendoh ding ahi.¹
- Pastor leh NMI President chun District leh Region a kona lamhilna angeh ding ahi. Hiche officeho chun het ding dol ho leh manchah ding ho chu tolsung houbung kithopi dinga apehthei u ahi.
- NMI thiltup leh bidoiho suhbulhitna dinga tolsung NMI Council in kumlung keiya na atoh jing diu ahi. President ahilouleh Pastor in NMI natch dan report chu Houbung kumlung teng a pehlut ji ding ahi.

Membership

- Tolsung NMI member ho chu hetpina nei in hiche NMI hi kiloikhomna hatjo cheh le tohgaso jo cheh a asemdoh ding ahi.²
- Pilhing, khangdong le chapangho chu NMI a pang ding in tilkhovin.³ Tolsung houbung in houbung mite jouse hi NMI member a agel ding ahi. Houbung member hilou houin hungkai jouse jong chu NMI associate member a pangding ahiuve.
- Pastor in District Assembly phat teng le NMI member jat report na a pansah theina ding a NMI President le Pastor in kithutah tah'a na atoh khom diu ahi.



Kumlhun Kihouna (Annual Meeting)

- NMI member ho dinga kumlhun kihouna neipi ding ahi.⁴ Hiche kihouna (meeting) chu houbung kumlhun kihouna phat toh kibang ding ahi. Pastor ahilouleh NMI President in kumlhun kihouna alamkai ding ahi.
- Kumlhun kihou tengleh houbung in kum chetasa a NMI President leh council memberho chu a kumkit/phatkit a dinga alhendoh kit thei u ahi. Chujongleh District NMI meeting akigon a ahileh hichea pang ding athalheng (delegates) a lhen diu ahi.⁵

Houbung Mission Hetding/Tohding ho

Hiche a hin houbung Mission gelkhoh semdohna dinga kithopi ding thumop phabep aum in ahi:

- NMI thiltup leh bidoiho suhbulhit theina ding lamhilna adin taovun.
- Tolsung houbunga NMI thiltup leh bidoi ho aphapen a suhbulhit ahitheina din NMI Council ham ahiloule houbung lamkai dangho kimutopin lang tohgonho leh thilboldoh ding dan ho seikhom un.
- Houbung miho lah'a mission natoh tohdohna leh lunggel semdoh un. Houbung in vannoi pumpia mopohna anei ahidan chu mihon ahethdoh theina diuvin kithopin.
- Amitakip (chapang pen apat ateh pen) gei in pansah in. Tolsung leh vannoi pumpia missions a din chapangho le khangdongho jong pansah in.
- Apat gomkom (kijen) jouse a hin houbung miho chu missions thudol hetthem sah jing in (hil jing in).⁶ Manchah thei jouse mang in lang, District leh Region in manchah ding na hinpehho jong mangcha jing in.
- Mission thudol seinu ding phat lhaseh leh guong in lang houin kaikhomna leh Sunday Class a seidoh jing un.

Houbung Um Dangho toh Kiguijopna

- NMI hi tolsung houbung “maichang” (face) ahi.
- NMI President hi Church Board a member khat ahi.
- Nazarene Youth International (NYI) toh Children’s ministry lamkaiho chu tolsung le vannoi pumpia Missions toh tongkhom ahive.
- NMI lamkaiho houbung lamkai dangho toh houbunga missions seiphongna leh kithopina a hi na atohkhom u ahi.



MISSION PRIORITY ONE (MPO)

Missions in agelkhoh pen khat chu NMI Bidoiho suhbulhitna dinga tohgon agon ding chu ahi.

Vannoi pumpia ihoubung uva ana umsa banga chu, NMI in jong tahsan theidol tah'a umna atahsan ahi. Mission Priority One (MPO) Mission gelkhohpen khat hi NMI thilgon ahin hichun houbunga Mission gelkhohpen ahilchet/aphondoh ahi.

MPO Li ho tuple doi ho chu NMI bidoiho mangcha a kismdoh ahi. Kumlung kei a NMI bidoi liho a panla hohi Pastor ahiloule President in record akoi ding ahi. Kumlung tengleh tolsung NMI President in hiche record ho toh houbung in ichan-gei am MPO tup le doiho a boldoh jou uvem ti chu Houbung le Distruct a report a pehlut ding ahi.

MPO Opportunities (Mission gelkhohpen khat a gomkhom ho)



TAONA (PRAYING)

Bidoi: Lamkaiho leh houbungho dinga taopeh ding chuleh Lhagao Theng in mijouse Christa henga apuilutna dinga taopeh ding chu ahi.

- ↳ Houbunga aphant jouse a taona a het dingho pelut in. Hicheho chu: email a kona Prayer Mobilization Line, NMI website, missionary ho newsletter ho, eima tahsatah a missionary ho toh kihoulimna akon, District ahilouleh Region in taona angaichat ho ahi.
- ↳ Missions in taona angaichat ho aphantseh a taopeh dingin alen aneo mijouse chuleh hon lhomcha a kiloikhom ho chu pansah sohkeijin.
- ↳ Anngol taona jong gelkhoh un. Anngol kiti chun neh le chah, phat, munho, deisahnaho chule adang dang i-ngol u hi ahuop thei ahi.



SEIJUISEMNA (DISCIPLING)

Bidoi: Khonunga missions lamkai hi dingho pan lahsah a semdoh ding, ahideh a khangdong le chapang ho hidu, miho Christa-tobang seijuija sem ding ahi.

- ↳ Christa nungjui kipumpeh tah ahi theina diuva khangdong ho leh chapangho panlasah a semdoh ding ahi.
- ↳ Missionary natohna dinga Pathen kouna changa kihe chapangho leh khangdongho chu tolsung houbung lamkaihon (Pastor, NMI President, Sunday School mihil, adang dang) toh kihoulim din tilkhouvin.
- ↳ Missionary ahung villha ho leh mission speaker ho chu chapangho le khangdongho toh akimutona diu tohgon gonpeh in.
- ↳ Chapangho le khangdongho cho missions, ahideh'a World Evangelism Fund pe ding in tilkhouvin.



THILPEH (GIVING)

Bidoi: Eimaho tah leh ithilneihou, ahideh a World Evangelism Fund, Christa lenggam chalsahna dinga ikipehdoh diu ahi.

- ↳ Vannoi pumpia houbung khat cheh chun asum mujat u alhompena 5.5 percent chu World Evangelism Fund (WEF) a dinga apeh cheh diu ahi. Hiche amujat'u chu aphatseh a athotdoh jing diu ahi.
- ↳ Easter le Thanksgiving ahilouleh Harvest Offering ho hi machalsah jing ding ahi.
- ↳ Missions a dingin – Tahsan Kitepna (faith promise) tohgon gongin (Hiche thudol hetbena din bung 4 na ven).
- ↳ WEF chu haptaseh leh ahilouleh lhaseh in athotna ding dol muna thot doh jing in.
- ↳ USA houbung hon WEF hi apehdoh jouchet uleh Global Treasury Services a athotdoh pai uvin ahi.
- ↳ Canada houbung hon WEF hi apehdoh jouchet uleh Canada National office a athotdoh pai jing jiu vin ahi.
- ↳ Regions dang dang hon jong WEF hi District leh Regional Finance System a athotdoh un chuleh WEF a din amelchih ngal uvin ahi. Kichehtah a hetna din District NMI President kihoupin.



THEMJILNA (EDUCATION)

Bidoi: Vannoi jin angaichat ho chu miho hetsah ding chuleh chuche ngaichatho chu Christa a kona muthei ahi ti ihoubung hou hetthem sah ding ahi.

- ↳ Missions resources ho chu NMI website chule na District le Region akonin mangchan.
- ↳ Tolsung Missions tohgonho (projects) a panlan.
- ↳ Houbung mihon Missions speaker ho thusei angailhah na diu ham ahilouleh amaho toh kihoulimna ding phatpha gonpeh in.
- ↳ Ahitheh chanin NMI lekhabuho hi mipihon aneitheina diu gonpeh in.

Tolsung Houbung Mission Gelkxhopen Khatna a dinga angaichaho (Local Church Mission Priority One Requirements)

1. Houbung chu Missions Priority dinga tao ahi.
2. Houbung in chapang ho leh khangdong ho chu tolsung le vannoi pumpia Missions a dinga pan alahsah ahi.
3. Houbung in alhom pen a 5.5 percent chu a sum mu a kona 5.5 percent WEF a dinga apehdoh ahi.
4. Nazarene Missions thudol mipiho hetsahna dinga houbung natoh thilbolho a pan alah ahi.



TOLSUNG HOUBUNG NMI KHOPPI (Local church NMI Council)

- ❑ Mission tohgon kiloikhomna a hi NMI President le Council in Pastor toh atohkhom ahi. Council a chu tohgon agon uva, ngaidanho aseikhom uva, chule khantoudan report afehji ahi.⁷
- ❑ NMI thiltup leh bidoiho – taona, seijuisemna, thilpeh leh themjilna, hiche ho khantousah ding leh suhbulhit ding hi Council mopohna ahi.⁸
- ❑ Council chu mi lhomchakhat toh pan un. Houbung akibelap a chuleh Mission natohna akhantou dung juia midangho na belap peh ding ahi.
- ❑ Council memberho chu bidoi kichehtah, hichu taona, seijuisemna, thilpeh le themjilna ho tongdoh dinga natoh peh thei ahi. Council memberho chu Mission gelkhohna a nakitohna adangho – hicheho chu Alabaster, Compassionate Ministries, Jesus Film, World Mission Broadcast ho – tong dinga jong natoh kipe thei u ahi.⁹

District NMI Council

- District NMI President le Council chun District sunga houbungho jouse a Missions machalna dinga District Superintendent toh tolsung houbungho toh atohkhom diu ahi. Council chun tohgon agon ding, ngaidan a seikhoma chuleh khantou machal dan report abol diu ahi.¹⁰
- NMI thilgon le bidoi – taona, seijuisem, thilpeh leh themjilna machalna ding leh suhbulhitna ding mopohna anei ahi.¹¹
- Council chu President toh member dang mi akilhengdoh ho leh akipansah ho hidu ahi.
- Council memberho chu bidoi kicheh tahho – Council, seijuisemna, thilpeh leh themjilna tohgon dinga natoh kipe diu ahi. Council memberho chu Missions tohgon dangho – Alabaster, Compassionate Ministries, Jesus Film, World Mission Broadcast lam tohgon jong kipe diu ahi.¹²
- District Secretary chun tolsung houbungho a kona hetsahna kimu dungju a District NMI statistics ho alahkhom ding ahi.

District NMI Convention

- ✧ District NMI Convention ahilouleh Meeting hi Lhagao lam kisuh thahna phat, Mission suh hing jing ding thu kihilna, chuleh kivaihopna phat ahi. District President le District Council in kumchesa a na kitongdohho toh kumthah a ding Vision leh tuledoiho report afeh diu ahi.
- ✧ Convention a hi chapangho le khangdong ho seijuia semna le hilthemna ding phat phatah ahijeh a amaho jong pansah ding ahi.
- ✧ Group dangho, vetsahnan NYI ho toh khoppi phat ding, amun ding chuleh ngaidan ho suikhomna a pangkhom uvin.



District Mission Gelkhohpen Khatna a Angaichaho

1. Houbungho jakhat lah'a somko (90%) chu Missions dinga tao ahi.
2. Houbungho jakhat lah'a somko in chapangho leh khanglaiho chu Missions a apansah uve.
3. WEF bidoi houbung sum mu a kona 5.5 percent chu houbung ho jakhat lah'a somko (90%) in athot doh ding ahi.
4. Nazarene Missions thudol mipiho hetsahna ahi houbungho 90% (ja lah'a somko) in natohna a pan alah ahi.

REGIONAL LAMKAI HINA LE KHOPPINAHO (Regional Leadership and Meetings)

Regional NMI lamkaiho nia kikhen hin USA/CANADA tailouva region dang jouse a hi na atoh'u ahi: Hiche ho chu Regional Global NMI Council representatives toh Regional NMI Coordinator ahiuve. Council representatives (thaheng) hi Global NMI Convention a kilhengdoh ahin,¹³ chuleh Regional Coordinator hi region in anamdet ahilouleh apansah ahi. Amaho hin Global level a lamkaihina thudola hi region dinga thu aseiu ahin, chuleh regions (gamkaiho) sunga hi training pehna a akithopi jiu ahi.

Aphat phat a regional khoppi ho hi regional lamkaihon ajinlhun jiuva, chuleh NMI hin District toh tolsung NMI lamkaiho training afeh jiu ahi. ahithe i chana lamkaiho hi khoppi ache tenguleh jilbe dinga thumop ahiuve. Khoppi a apanthei lou u jongleh NMI resources chu khoppi a homdoh dinga Global Council representatives toh Regional Coordinator angeh thei ahi. Missions offering (tolomho) chu hooikom a itih phat a thotdoh ding ham ti hetna dinga Regional NMI lamkaiho akihoupi ding ahin chule Regional NMI guidelines dang jong um ti jong adoh doh ding ahi.

Global NMI Council

- ✧ Global NMI Council hin General Board, Global Mission Director to Regional Directorho toh pangkhoma na atoh ahi. Council hi Mission strategy team, NMI thiltup le bidoiho khantousah na dinga Global Mission Director toh Global NMI President toh kigomkhoma kistem ahi.
- ✧ Council hi (alhompena kum li sunga thumveibeh kimuto a) tohgon gong ding le lunggel seikhomna, amachal/khantou dan report ding le vaihomna nei ding alhom pena kumli sunga thumveibeh kimuto diu ahi.¹⁴
- ✧ **Council Officerho leh Memberho:** Global Council hi Global Mission Director, Global NMI Director, Global NMI President chuleh Nazarene houbung Region khat cheha kona thaheng khatcheh kilakhom a kismdoh ahi. Global Council member khatcheh in



amopohnau chu Global NMI Director toh Global NMI President lamkaina leh Regional NMI Coordinator toh tongkhoma NMI thilgon le bidoiho machalna ding chu ahi.

- ✧ **Executive Committee:** Execitive Committee hi Global Mission Director, Global NMI President, Global NMI Vice President, Global NMI Secretary toh Council member dang khat toh kigom khoma kisemdoh ahi. Executive Committee hin Council meetingho kahlah a hi vaihopna anei (conduct) jiu ahi.¹⁵

Resources (Akimunaho)

1. **NMI Khutchoibu** (Handbook) leh **Kivaipohna** (Constitution) hi kumli lhinseh leh aphot dungjuia kisemtoh ji ahi.
2. **NMI website** <www.nazarenemissions.org> online resources a hi NMI bidoiho leh thilgon dan ho chule chuche bidoiho tohdohna ding thudolho um sohkei ahi.
3. **Mission Connection** hi online thusoh lhaseh a kiso ahin, NMI tupledo leh bidoiho thudol hetsahna chu miho email a kithot ji ahi. Subscribe bolna ding hin, <www.nazarene.org/subscribe_html> venlang, Mission Connection kitina chu meh/son lechun hungdoh jeng ding ahi. Hetsah (information) a fill up jou teng ‘Save’ kiti anoilama um pen chu na meh/sot tei tei ding ahi. chuleh 2) Na email account a active ahitheina dinga na inbox a email kithot chu na donbut ding ahi.
4. **Engage Magazine** hi online mission ahin Global mission a aphot phat thilsoh ho thudol thusimho, report, limlah ho le adang dang uma ahi. Hiche subscribe bolna ding hin, <www.engagemagazine.com> ahilouleh <www.nazarene.org/subscribe_html> chu ven lang engage magazine click (meh) in.

Endnotes

-
- ¹ NMI Constitution, Article V, Section 1
 - ² NMI Constitution, Article IV
 - ³ NMI Constitution, Article II
 - ⁴ NMI Constitution, Article VI, Section 1.B
 - ⁵ NMI Constitution, Article V, Section 1.C
 - ⁶ NMI Constitution, Article VI, Section 1.A
 - ⁷ NMI Constitution, Article V, Section 1.A chule Article VI, Section 1.C
 - ⁸ NMI Constitution, Article V, Section 1.B.2
 - ⁹ NMI Constitution, Article V, Section 1.D
 - ¹⁰ NMI Constitution, Article VI, Section 2.B
 - ¹¹ NMI Constitution, Article V, Section 2.B.2
 - ¹² NMI Constitution, Article V, Section 2.D
 - ¹³ NMI Constitution, Article III, Section 3
 - ¹⁴ NMI Constitution, Article VI, Section 3.B
 - ¹⁵ NMI Constitution, Article V, Section 3.D.1

BUNG 2

Taona (Praying)



“Mi chonpha taona chu thahat tah leh thilbolthei tah ahi.” (James 5:16)

NMI bidoi masapen chu : **Taona – lamkaiho le houbungho chuleh Lhagao Theng in mijouse Christa henga apuilotna dinga taopeh ding** hi ahi.

Vannoi pumpia kipanathupha kinbolna dinga taona hi thilkhohpen ahi. Solna Lenpen (Great Commission) ki suhbulhit theina chu Pathen miten midangho ataopeh uva chuleh hou-inn chu nam jouse dinga taona inn ahi tengleh hiji ahi.

Taona Man ding dan Lamhil

- † Niseh leh tao jing in lang, amichanga kipumpehna hinkho naman na a taona chu pansah in.
- † Houinn jouse chu mijouse dinga taona inn hiding in tilkhovin.
- † Missions ngaichat ho dinga tao ding in member jouse amichang tao ding leh hon lhomcha kiloikhoma tao dingin, chuleh houin kai phat tenga tao din ngeh in.
- † Missions taona ngaichatho chu houbung jouse a hom sohkeijin.
- † Pastor taona a Pastor atao tengleh Global Missions taona ngaichat ho dinga tao jing din ngeh in.

Taona le Anngolna

- † Anngol taona hi Bible toh kitoh lhagao lam a kithununna ahi.
- † Houbung miho chu an-ngol a ahiloule itihchan ham geija phat bituh uma tao ahi. Anngol hin an atumbek a ngol ham, deilhenna chan, deichom ho chang ham, chenomna mun ho che tah louna jong ahuomtha ding ahi.
- † Anngol hin thilpeh nomna asodoh sah e. Houbung mi bangkhat in taona le anngolna tokhom ho chu World Evangelism Fund a athot jiuvin ahi.

Prayer Mobilization Line

- † Prayer Mobilization Line (PML) hi vannoi pumpia Nazarene taona ngaichatho le thangvahna a apet pet a manchah manlutah khat ahi.
- † Houbungho leh michang jousen PLM hi avet thei ahilouleh subscribe abolthei ahin, NMI website, <www.nazarenemission.org> a alut a, “Praying” kiti hi click thei ahi.
- † PLM hin Facebook page a jong anei jin <www.facebook.com/NMIprayer> a vetdoh thei ahi. Hiche hi vannoi pumpia houbung hon taona ngaichat ho le thangvahnahon aseikhomna diuva kimutona mun khat jong ahi.



Global Missions dinga taona lampi tumbuh ho hichea hin akipen ahi:

- ① **JESUS FILM Harvest Partners.** Jesus Film hi miho henga huhhingna thu seiphongna dinga manchah khohtah khat ahi. Jesus Film ministry hi natoh sutjomna dinga Nazarene ho taona a kingai ahiuve. JESUS FILM thudol hi website a <www.jfhp.org> navetdoh thei ahi. Hapta seha “Prayer and Praises” report hi amaho website ahilouleh email report uva kona na muthei ahi.
- ② **Nazarene World Week of Prayer.** Hiche hi kumlhun thilsoh March hapta masapen Gansemni (Friday) masapen tom lah a Nazarene hon vannoti pumpi houbung dinga ataophat sung u ahi. Vannoti pumpia kona taona a hetdingho chu Prayer Mobilization Line a kona na mudoh thei ding ahi.
- ③ **Prayer for the Persecuted Church** (Suhgentheina thoh Houbung ho dinga Taona). Christa a isopiu Christa jala genthei thoh ho dinga aphot jouse a itaopeh jing diu ahi. Suhgenthei a um houbung ho dinga taopehna ngaichatho chu Global website tamtah a um ahi.
- ④ **10/40 Window.** Vannoti leiset a hi area in ahop khah ho chu Northern Africa (sahlam) Middle East, le Southern Africa ho ahiuve. Vannoti leiset a kipana thupha lhunphahna chu hiche area lah ahi. Amaho ding in aphotseh in taopeh jing in lang chuleh Nazarene hon amaho henga kipanathupha ilhut theina diuvin tao jing ute. NMI Website a kon in hiche miho thudol hi jil ben.
- ⑤ **Global Day of Prayer.** Pentecost Sunday – hiche hin atop chu Pentecost Sunday geija ni 10 sung sun le jan a tao ding chu ahi. Global Day of Prayer thudol hi NMI website a “Praying” kiti chu click inlang het ben.
- ⑥ **National Day of Prayer.** Gam tamtah in National Day of Prayer hi anei uvin ahi. Anikho kimanchah phat le kimanchah ding dan holdoh in lang, chuche gamsunga a lhagao mangho henga kipana thupha alhun theina din hiche nikhohi mangchan.
- ⑦ **Concerts of Prayer.** Hiche phat hi kikhop phat sunga midangho dinga taopehna phat a kigong ahi. Hiche Concerts of Prayer hi NMI website a kona nahetbe thei ahi. “Praying” kiti click inlang chujouteng “Prayer and Fasting” chu ven. Concerts of Prayer resources chu chuche lekhapeh noilama aum in ahi.
- ⑧ **Prayer Walks (Taona Lamjot).** Midang dinga taopeh hon khat chu mipi lah a vah leuva hiche mun lah a chengho ahilouleh natongho chu ataopeh jiu ahi.

Akimunaho (Resources)

- * NMI website www.nazarenemissions.org
- * JESUS FILM website www.jfhp.org
- * Prayer for the Persecuted Church website www.idop.org
- * Global Day of Prayer website www.globaldayofprayer.com

BUNG 3

Sejuisemna (Discipling)



“Hijeh chun cheuvin lang namtina mijouse sejui jin gasem un... keiman kathupéh ho jouse ajop ding un gahil un.” Matthew 28:19-20

NMI bidoi anina chu: **Sejui semna – khonung a missions lamkai ho, ahidaha khangdong leh chapangho pansah a semdoh ding, Pathen mission a miho Christa-tobang sejui sem ding ahi.**

NMI hi mijouse sejui sem dinga kipedoh ahin, chapangho le khangdong ho gelkhoh a, amaho chu Mission-lungthim nei ding leh Mission lamkai ho hung hi dinga atilkhoh jiu ahi. Sejui semna hin Christa vannoi-hopsoh mission thudol khangdong lamkaiho hilthem ding leh amahon mission pohnatna anei uva vahkhanglen peh ding jong ahuoptha ahi.

Lamkaiho Hilthemna leh Semdohna

NMI in angaichat chu akhang jousea (every generation) lamkai ho semdoh, sejui hisah le khangkit a dinga hilthem chu ahi. Hijeha chu houbung tin leh District a NMI lamkaihon hiche tupledo chu alhun theina diu tohgon a semdoh diu ahi. Hiche anoija ngaidan ho hi ngaiton:

- ☞ Global Mission a lunglutna neija kihe ho chu akum dungjui kikhen (all age groups) mijouse chu hetpina nejjin.
- ☞ NMI Council a kinbol ding in akum dungjui lamkaia semdoh ding mi lhengdoh in.
- ☞ Mission thilbolna le tohgon hoa pang ding in mithah ho tilkhohin lang pan lah sah in.
- ☞ Mission natohna ho jouse a chapangho le khangdong ho jong pansah in.

Chapangho leh khangdong ho

Mihem khat in vannoi avetdan leh alunglutna ho hi chapang neocha ahi laiya pat a hung kisemdoh a chuleh hung khangtuh ahi ti NMI in ahethpin ahi. Hijeha chu NMI in hiche bidoi nina a hi chapangho le khangdong thu aphahpoh (aseidoh) ahi. Khonung ding ivet banguva hi NMI in tua hi chapang ho leh khangdong ho chu hitobang a chouna anei ahi:

- ☞ Amaho tah Pathen a kipumpeh diu – Jesu Christa Amatah a kona Pathen aheth diu.
- ☞ Amaho tah chu Pathen Mission a dinga kipumpeh diu – Global Mission thudol leh hiche Mission ana pole miho thudol ajil diuva chouna anei ahi.

Khangthah (New Generation) toh kijopmatna

- ☞ Statistics in avetsah dungjui in vannoi leiset a mihem jat ja lah’a somnga (50%) hi kum 24 noilam ahin, ja lah’a somthum (30%) hi kum somle nga noilam ahi. Hijeh a chu



khangkit (new generation) in chapang ho, khangdong ho, Pilhing khangdong ho kum 24 noilam ahuptha ahi. NMI in hiche age group hi solna lenpen a Christan eithupeh u suhbulhitna dinga thohhat tah puma asem ahi.

☞ Khangthah ho hi “thohhat” kiti nei puma hetpina nei ding ahi. Amaho cultures (chondan) a hahsatna tamtah nei jing jong leu, athilbolna jouseuva pumchanga kipehlut ding ago jiuvin ahi. Hijeh chun houbung le NMI in Khangthah ho chu Pathen le a Mission thudol a lunggil a pohnatna aneina diuva akithopi tei diu ahi.

☞ Khangthah hoa dinga pohnatna semdohna ding kalbi khohtahho hi gelin:

✧ Um pin: Amaho atahsan thei diu mi chuleh amaho lunglutpi nau phongdoh thei mi angaichat u ahi.

✧ Lunglut pin: Amahon mi lungtheng leh mi dihtah angaichat u ahi. Mission lamkai hon midangho chu Mission adinga pohnatna/ gelkhohna aneidoh theina diiuvu lunglut taha akithopi ngai ahi.

✧ Kiloikhom pin: Pathen Mission a dinga amaho hi mi poimo tah ahiuve, tia kigel a pan alah diu hi angaichat u ahi. Christian dangho toh umkhom na hin amaho tah jong pang ahiuve ti akihetdoh sah thei ji in ahi.

Jing nikho a ding Missionary ho semdohna (Mission Kouna)

Missionary atamjo ho hi vannoi pumpi kinbolna dinga Pathen kouna achan u chu aneolai u ahilouleh khangdong chakhat ahilai uva anei u ahitai ti aphonhdoh un ahi. Hijeh chun houbung in Pathen kouna changa kihe chapang khat cheh leh khangdong ho chu akithopia, atilkhovu chuleh ahilthem ding ahi. Hichea hin bol ding dan phabep aum in ahi:

- Pathen toh akiguijopnau chu amaho tah in Bible sim, taona leh Pathen houna a kona asemdohna diuvin kithopin.
- Houbung hinkhoa panla dingin amaho chu kithopin.
- Vannoi pumpi houbung leh a mission ngaichat ho jil dingin kithopin.
- Abang jilbe na din NMI website <www.nazarenemissions.org> ven lang chule “Discipling” kiti chu meh (click) in.
- Chapang ho leh khangdong hon mission kouna achan hou jeh a amaho semdoh ding chu tolsung houbung in mi alhendohna diuva NMI in apan hu ding ahi.

Kiloikhomna (Organization)

☞ Khangthah (Khang kit) group ho chu tolsung houbung lah’a hung jatchom diu ahi. Ahoi chu hitajongle chapang ho le khangdong ho vetup ding houbung ho chun miho alhendohna diuva NMI in a pan hu ding ahi.

☞ Amichang cheh chun manchah ding kitohbep le amaho ding natoh thilbol ho agonpeh diu, mission themjilna jong pantha ding ahi.¹

☞ NMI membership a chun chapang ho le khangdong ho jong pansah in. Amaho membership chu tolsung NMI President report a pantha ding ahi.²



- ☞ Khangthah ho ding in missions kikhopkhomna ahiloule natoh thilbolna hi atamthei pen gonpeh in.³ NMI in chutobang kiloikhomna chu lhakhat sunga khatvei beh neipi dinga agon ding ahi.
- ☞ Khangthah ho a ding mission lamkai dingho chu hicheho tobang lhinna (qualification) nei ho lhendoh ding ahi:⁴
 - Amahon chapang ho le khangdong ho angailut diu ahi.
 - Amahon Nazarene Vannoi-huopsoh Mission a lunglutna hingtah anei diu ahi.
 - Amaho chu NMI President le Council toh kithokhoma natong thei hi diu ahi.
 - Amaho chu khangthah ho hilthemna le seijuisemna a kithopi thei mi hi diu ahi.

Mission Themjilna (Mission Education)

- ☞ Mission Themjilna dinga chapang ho leh khangdong hon amanchah diu akithopiu manchahho (resources) apoimon ahi.
- ☞ Khangthah ho dinga global awareness (vannoi thusoh hetna) suh sang na dinga ngaidan ho hi gel in:
 - Khangthah ho ding in mission natoh thilbol ho gon peh jing in. ‘Maximum Mission’ ahiloule lunglut umtah minchom dang khat in kouvin. Pathen in vannoi pumpia Athilbol ho thudoh ah amaho toh kijopmatna din hiche phat hi mangchan.
 - Khangthah ho chu missionary hon ahung vil phat teng u ham, ahiloule Mission Speaker hon houbung miho lah a thu aseiteng u leh amaho jong pan sah in. Chapang ho le khangdong ho toh hiche thuseiho chu achombeh a akimutona diu phat gon peh in.
 - Khangthah ho chu mission project ho, natoh thilbol ho leh gamkholna ho ah pansah in. Pastor ham ahiloule Khanglai lamkai in hitobang thilbolna din phat ahin gon din ngeh in.
 - Khangthah ho chu kiloikhomna mipi lah le polama Pathen heloulai ho lah houbung in natoh kinbolna anei tengle amaho jong pansah in.
 - Ngaidan hetbe na din NMI website ven. <www.nazarenemissions.org> a chen lang chule “Discipling” kitina chu hong in.

Taona

- ☞ Houbunga taona kimanna ho jousea khangthah ho pansah in.
- ☞ Amaho chu asatah uva missionary ho toh akikhutjopna diu semdoh peh in, ahiloule polama kipanathupha lhangsapna a panla ho toh kijopmat sah in. Tahsatah a kiguijopna sem hin tao thanopna asosah ahi.
- ☞ Khangthah ho chu vannoi pumpi ngaichat ho thuso hoa report kibol ho aholdoh theina diuvin kithopin.
- ☞ Prayer Mobilization Line a kona, Jesus Film a kona chule source dang ho a kona taona a het ding kiseiho chu seidoh in.



Thilpeh

Khangthah ho chu anoija kiseiho a thilpeh a pan alahna diuvin tilkhouvin:

- Easter leh Thanksgiving ahilouleh Harvest (Lholhun) Offering (Tolom) ho a
- Alabaster Offering ho
- Nazarene Compassionate Ministries
- Mission tokhom ho leh tohgon dang ho a panla din tilkhouvin.

Hands-on Mission Experiences for Youth

(Mission in tahsa tah'a atuokhah hetna ho chu Khangdong ho hilson/pehson ding)

Church of the Nazarene in phat sottah a kona chu khangdong ho le pilhing-khangdong ho hi global mission a pan alah diu hi ahettep ahitai. Hiche boldoh ding dan lampi tamtah aume. Houbung ho, district ho leh region ho chun khangthah ho a dinga amaho satah'a kinbolna (hands-on missions) a akigollut theina diu lampi ho agon hou chu eihon iholdoh peh u ngaicha ahi. Hiche ngaidan ho hi ngaiton:

- Khangdong ho chu Summer Camp ho a pang dingin tilkhouvin.
- Hiche camp ho mun tamtah a hi missionary ho thu aseu uva, khangdong ho ahoupjii ahi.
- Summer Camp ho (Nipilai school chol pet'a Camp kineiho) a pang nom a sum peh ding neilou khangdong ho chu sum tuopeh in.
- Khangdong ho chu kiloikhomna tohgon ho ah pansah in.
- Mission tohgon a dinga sum hol ding dan gongdoh in.
- Ahitheu tingle, Khangthah ho chu Youth in Mission (YIM) kiti college/university simlaiho dinga kigong kholchena/trip a hi apan theina diuvin kithopin; ahiloujungle missions a dinga Pathen kouna kihet ho dinga kigong Mission Immersion trip ho a panla din kithopin.

Regions (Gamkai) bangkhat hin YIM le Mission Immersion trip ho hi sponsored abol jiuvin ahi.

Volunteer Missions

Mission Corps (Mission aloija kiloikhom)

- Mission Corps kiti hi mijouse (alennen a pat aneopen geija kum kibanglou ho) kiloikhoma leiset gamchom beh a lhathum sung ahiloule asotjo sunga missions a dinga natonga kondoh ho ahivu. Hiche amachama kipedoh (volunteer) ho hin Nazarene Missions a dinga akhutthemnau leh aboltheinau chu amanchah u ahi. Mission Corps volunteer ho hin amaho chama sum aki holdoh u ham ahiloule a insung miteu, aloi le gol ho, ahoubung hou ham in achop u ahi.



- Mission Corps a panlahna thei lampi thudol a lunglutna neihon amaho Regional Office a kona akikholdoh thei u ahi. Ahiloule Mission Corps website <www.missioncorps.org> ven.

Tentmakers (Pon-inn semho)

- Pon-inn semho hi mi anatoh un jatchom dangho heng ahiloule gamchoma apuihou chu ahi. Miho henga Jesu thu aseipeh teng u le anatoh houva amaho kivah ahiuve.
- Lunglutna neihon hiche thudol hi a Regional Office uva akholchet thei u ahi. Website <www.missioncorps.org> a kona vetdoh thei ahi.

Work & Witness (Natoh leh Hettohsah)

- 🌐 Nazarene Houbunga hin Work & Witness kiti hi phat chomkhat sung Hapta thum ahiloule ahomjo sunga mission experience anei jiu tina ahi. Mijouse alen, aneo ho global missions a pangthei sohkei ahi.
- 🌐 Work & Witness kiti hi houinn, school, clinic (lou-inn) ahiloule inn sahna chule miho toh kiguijopna, lhagao lama khantouna, Christian neichin le Christian thilmu dan (worldview) ho semdohna a natoh tina ahi.
- 🌐 W&W project ho chun angaichatna mun ho a pan alah jiu ahin, hichu: akimvel uva mipi kipunkhomna mun, district sung, ama gamsung mama a, ahiloule gamlatah gamchoma pan alah jiu ahi. Tohgon (project ho) ahithe i dingho chu na District ham ahiloule regional office a kholdoh in, ahiloujungle W&W website <www.workandwitness.org> ah lut inlang ven.
- 🌐 W&W in Team ho hi ngaichat jatchom chom ho dungjuia mi achomkhom ji ahi. Team ho lah a mi ni ahiloule mi tamjo chun inn sahna, lou le ai lam, khutthem lam le kipanathupha seiphongna lam hi akithopiu ahi.
- 🌐 Anoija ngaidan kipeho hi gel in:
 - Tolsung tohgon (project) chu tolsung houbung khat ahiloule houbung ni ahiloule atamjo pangkhom a agon uh ahi. Project a kimangdoh ding jouse chu houbung hon sum aholdoh jiu ahi.
 - District tohgon chu District in agon ahin, hichun district sunga member ho natong dinga akigoi jiu ahi. Project a kimangcha ding sum angaicha jouse chu district in ahol ji ahi.
 - JESUS Film Ministry Trips hi tolsung, district ahiloule Regional project hithei ahi. Jesus Film manchah (equipment) chohna dinga sum kihola kimangdoh ji ahi. Hetbena ding in Jesus Film website <www.jfhp.org> ah lut inlang “Get Involved” kiti pen chu meh in.
 - Extreme Nazarene Missions hin vannoi pumpia ngaichat hi apeh ji a chule hichea kona chu miho ahuoptha diu ahi. Aban hetbena din website <www.extremenazarene.org> akon in vedoh in.
- 🌐 **Sumlepai ho (Finances).** W & W project ho ahin sum manna ding lentah cheh ni aum in ahi.



- Sum mandohna ding chu innsahna dinga manchah thil ho chohna ding, loi-le-ai lam chohna ding, school a ding thil chohna ding, Jesus Film equipment ho ahiloule W&W project site a dinga angaicha jouse chohna a kimangcha ding ho ahi.
- Team hon kholjinna cheman, nehlechah, inloman, insurance chule thilneo chacha adang dangho a amanchah diu chu ahi.

W&W Guidelines (Lamhilna)

- ☐ Houbung in World Evangelism Fund alhompen a 5.5 percent (ja lah a 5.5) beh apehdoh jou nunga jong W & W Project sponsor abol thei ngai ahi.
- ☐ Houbung jousen ahin peh khom uva kona ja lah a somko (90%) district in World Evangelism bidoi apeh jou nunga jong W & W project ho hi Global project list a a kikoilut masanga District, Field (US/Canada Region tailouva) chule Regional level a phatsahpina kinei masah ji ahi.
- ☐ District khokhel a kiguong W&W project jouse ahiloule gamchombeh kibol ding ho chu phatsahpina nei masah a chujou tengle Global Ministry Center muna W & W office a Registered bol ding ahi.
- ☐ W&W project phatsahpi hisa jouse chun Global Ministry Center a W & W office a kona insurance anei sohkei diu ahi.
- ☐ W&W team ho ahiloule amichanga ho W & W office toh tongkomlou leh insurance sum pelou ho chungu Church of the Nazarene in mopohna aneilou ding ahi.
- ☐ Official W&W project fund ho chu amaho chedoh masang lhathum masanga Global Treasury Services muna thot masah ding ahi. Team ho project site alhun masang ngei uva thilkeo manchah ho chohna dinga ache dingdola achetheina dinga phat kilhingset aumngai ahijeh a hiche hi bol tei ding ngai ahi. U.S.A. gam pamlama team ho chun lungset tah in W & W Office chu <www.workandwitness.org> ah sum pehdohna ding agontup theina dingun kihoumat pin.

Resources (Akimunaho)

- Work & Witness website: www.workandwitness.org. Hiche a hin hetdinga khoh ho tampitah aum in, online form ho leh download thei manchah ho jong aumthan ahi.
- NMI website: www.nazarenemissions.org
- Mission Corps & Tentmaker website: www.missioncorps.org
- JESUS Film Ministry Trips website: www.jfhp.org/egetinvolved/trips/cfm
- Extreme Nazarene Missions website: www.extremenazarene.org
- Youth in Mission website: www.youthinmission.org

Endnotes

¹ NMI Constitution, Article III, Section I

² NMI Constitution, Article IV

³ NMI Constitution, Article IV, Section I.A

⁴ NMI Constitution, Article V, Section I.C.2

BUNG 4

Thilpeh (Giving)



“Ajuhchu keiman kahettohsah a, ka sei ahi, amahon athautoh kithuh in, athauvin ajo kalval in jong amaho cham in apeuvin ahi.” (2 Corinth 8:3)

*“Nangho amitakip in lungphatmo pum pum le pehlouva phamo tia pe louvin, na lunggot bangtah cheh in peuvin; ijeh inem itile, lunglhai sel a pea chu Pathen in angailui.”
(2 Corinth 9:7)*

NMI bidoi athumna chu: **Thilpeh – eimahotah le ithilnei hou chu Christa lenggam kehletna dinga, ahideh a World Evangelism Fund a dinga ipeh doh diu ahi.**

Thilpeh, ahideha kiphaltaha pe kiti hi Church of the Nazarene a Global Mission a dinga ngaichat tah ahi. Houbung a Global Mission singa sum holdoh na dinga kithopina a mopohna hinla dinga NMI kingeh ahi. Hijehchun, NMI in anoija banga ahin phat sah ahi:

- ☛ Global Mission a dinga sum kiholdoh ho chu hiche a ding tailouva thildang imacha a man loubeh ding ahi.
- ☛ Sum kimudoh ho jouse chu alhunna dingdol miho ahilouleh office a thotdoh pai pai jeng ding hi thil poimotah ahi.

Tolsung Houbung Kinbolna ho (Local Church Ministries)

- ☛ Tolsung houbung NMI dinga sum manchah ding angaina um ding ahin, hiche ho chu thusei ding atumbeha kihouho ding, tolsung mission project a ding, akhoh ho leh angaichat ho adang dang manchah ding chu ahi.
- ☛ Tolsung in sum amandoh ho chu angaimonga tokhomho a kona kimuho akon ahi.

District Kinbolna ho (District Ministries)

- ☛ District NMI kinbolna a manchah dinga sum ngaicha ahi, hiche ho chu District convention (Khoppi), thildang angaichaho chohna ding leh, Regional in amandoh dingho, Global NMI Convention a delegate a pang ding pen in amanchah ding le adang danga ding ahi.
- ☛ District in jong NMI ministry a dinga sum iti peh ding ham ti agon thei ahi. Thumop phabep hon ahoptha chu: Tolsung houbung in amanna ding kigongsa ho dinga sum ahinpeh diu, tolsung houbung in tokhom adon diu, District in jong a



bituh a kona sum amanna ding umsa ading apeh thei, chule adang danga kon hol khom thei ahi.

Vannoi pumpia kinbolna ho (Global Ministries)

World Evangelism Fund (Vannoi Kipanathupha seiphongna dinga Sumto)

- ☐ World Evangelism Fund (WEF) hi Church of the Nazarene a global Mission dinga akhohpen kaht ahi. WEF hi vannoi pumpi a kipana thupha lhunsahna dinga ahindoh na khohpentah le tokhomna khat ahi.
- ☐ WEF akona hi ichanhuva itoh sanguva natamjo kitongdoh ji ahi. Hiche hi kikaimat khoma kipumpehna ahi.
- ☐ Tolsung houbung tin in WEF hi global mission a thilpeh khoh chungnung pen chu ahi tia agel diu ahi. Approval Mission Specials kiti ho chu, Alabster le Compassionate Ministries ho ahin, WEF tuple doi chungvum (khellama) peh ding ahi.
- ☐ WEF a dinga thilpeh thah tuple doi hi houbung sum mudoh jat a kona alhom pena 5.5 percent (jalah a 5.5) peh ding ahi. Hiche tupledo doi hi vannoi pumpia houbung hourse dinga kibang soh kei ahi.
- ☐ Special Offering (atumbek atokhom ho): Hiche hchu Easter le Thanksgiving (Harvest) tokhomho ahin, WEF holna akithopi ahi. Houbung hin taona le anngolna tokhomho ham ahiloule Tahsan kitepnaho chu WEF a dinga apeh theiu ahi. Houbung in hopsomm leh tokhomho a kona amujat 5.5 percent jong apeh thei ahi.
- ☐ General Board in WEF hopdoh ding dan agon ahi. WEF akimu ho a tamthei pena vannoi pumpia kipanathupha seiphongna dinga limang cha ahi.

Field toh kijopmatna a kimangdoh ho le Missionary ho phatchompi ding. Anoiya ho hi Global mission in amudoh jat WEF a dinga kimangcha ho phabep khat kisundoh ho chu ahi:

- § Missionary ho: Lhalo ho, kholjin lena a kimangdoh ho, themjilna dinga kipeh be, Pension tohgon, Health Insurance le vetkol na adang danga ahi.
- § Houbung ho, School ho, Hospital ho, Clinix ho, adang dang panpina le sahdohna a kimang ahi.
- § Houbung phudohna leh khangletna ding.
- § Inn leh thilkeo vetkol na ding.
- § Workshop ho le training na dinga kimangdoh ahi.



Hetpina (Recognition): Tolsung houbungho le District ho hiche WEF adinga tupledoicho hin subulhit jouse chu NMI in hetpina anei in ahi.

- ⚠ **World Evangelism Houbung:** Houbung ho a sum mujat uva kona 5.5 percent WEF dinga pelut ho chun Global Missions chopna dinga abidoi nempen chu a suhbulhit u ahitai. Hiche houbungho chu Church of the Nazarene Missions in namtin henga kipanathupha aseitheina dinga hinna ding thisan a pang ahiuve.
- ⚠ **World Evangelism Church of Excellence:** Houbungho alhompen a 5.7 percent WEF adinga a pehdoh ho chu ahiuve.
- ⚠ **World Evangelism District of Excellence:** District ho chu khat hina a Global mission chopna alhompena WEF bidoi 990 percent (5.5 percent) pedoh ho chu ahiuve.

Approved Mission Specials Offerings

- § NMI in Mission dinga atumbek a tokhom abolbe ahi. Hiche Approved Mission Specials a dinga tokhom kipeho chu WEF chungvum/khellam peh ahi. Hiche tokhom ho chun Missionary ho, gamsunga lamkaiho leh vannoi huop'a lamkaiho manlutah a chopna dinga kipe ahi. Houbung hon hiche tokhomho achena ding dol muna apah teng le (page 16 na ven), chuche houbung chun 10 percent hetpina akisan ding ahi.
- § NMI in anoija kiseiho Approved Missions Specials hi glkhoh pena anei ding ahi. NMI in tolsung houbung jouse a, hiche tokhom khohtah ho amutheina dina lampi phapen leh phat pha pen holdoh dinga atilkhoh ding ahi.
 - ☐ **Alabater tokhom:** Inn sahna leh thille lo chohna bouva kimang cha ahi.
 - ☐ **World Mission Broadcast:** Vannoio leiset pumpia kipana thupha lhangsapna dinga electronic media mangcha a seiphong chu ahi.
 - ☐ **Missionary Care (Missionary Khotona):** Hiche hin damtheina lampang le missionary ho nagichat a dinga atumbek a tokhom ho special offering toh aumchan dungjuia kona missionary ho vahna dinga kibol chu ahi. Hiche hi LINKS, Missionary Christmas Fund, distinguished Service Award, toh Memorial Roll ho kigomkhom ahi.
 - ☐ **Approved Missions Specials dang ho** – Global missions Partner hon (pangkhomhon) Approved Mission Specials aboljom peh u ahin, hiche ho chu Nazarene Compassionate Ministries, Jesus Film, Work & Witness le adang dang ahiuve.



- § Abang komle Missionary in houbungho avil jia a mission natoh thudol u aseiji ahi. Hiche missionary ho dinga chu ahitheile houbung hon tokhom (offerings) adon peh diu ahi.

Tahsan kitepna (Faith Promise)

Houbung bangkhat ho chun Global Missions sumle paija chopna/vahna dinga tahsan kitepna aboljiu ahi.

Tahsan kitepna chu ipi ham? Vannoi pumpia Nazarene missions a dinga Tolsung houbung in mipiho chu tahsan kitepna sem dinga chouna abol'u chu ahi.

Tahsanna hi thil khohtah ahi: Houbung in miho jouse chu tahsanna a thilpeh pe dinga kitep a Pathen lunglama hol dinga atilkhou ji ahi. Apeh ding dan chu a michang cheh in aki ngachat dan dungjui cheh hi ding ahin, chule Pathen in apeh dungjui uva – hapta seh ham, lhaseh ham, ahilouleh khatvei peh a apehlhah jeng diu ham khat pen pen hithei ahi.

Tahsan Kitepna Lamhilho (Guidelines):

- ☞ Tahsan kitepna hi missions a ding, athupipen a chu vannoi pumpia kipana thupha seiphongna ding (Global Missions) ahi.
- ☞ Tahsan kitepna hi mission tokhom dangho toh kikhel to thei lou ding ahi, hichu Easter Offering WEF adingho ahi. Miho tahsan kitepna bollou hon hiche tokhom ho pe dinga pan alah theiu ahi.
- ☞ Tahsan kitepna hin Approved Mission Specials ahoptha thei ahin; ahoichu hita jongleh houbunghon miho chu hiche tokhomho a pan alah thiena diu phat pha (phat kijen) apeh diuva NMI in aseipeh ding ahi.
- ☞ Tahsan kitepna hi tolsung le District sum mandoh a pantha thei ahi.
- ☞ Tahsan kitepna hi houbung sum mandoh ho hichu Pastor lhalo, insahna ho, asang dang apantha thielou ding ahi.
- ☞ Mihon atahsan nao suhset peh lou ding ahi.

Tahsan Kitepna Boldingdanho (Policies):

- ☞ World Evangelism Fund hi Approved Mission Specials ho ingaito masanga alhingset a peh ding ahi.
- ☞ Tahsan kitepna hi mission tohgon bouseh a dinga kimang ahi.
- ☞ Tahsan kitepna tokhomho jouse hi tolsung sumching jotpa ahilouleh apumpia (kigomkhoma) sumching kom ahinjotpa a pehlut ding ahi.



Tolsung Houbung NMI sumching (Treasurer)

- ☞ NMI kivaipohna danbuho (constitution) hin NMI sumching ding chu lhendoh tho ding ham ahiloule houbung kipunkhoma sumching koi ding ham khat joh hiding a phatsah ahi.¹

Record bol ding dan (Record Keeping)

- ☞ Houbung chu lhomcha hihen lang, asum mu jong lhomcha bou hijongleh a summu nau jouse, akimuna le akimanachahna ho chu phatecha record bol sohkei ding ahi.
- ☞ Tolsung NMI sumching chun District Assmebly tengleh sum ahina bangchet a report apah ding chu Pastor khut a apah lut ding ahi.
- ☞ Akipunkhoma sumching khat boldan chu akijua ahileh, hiche mipa/nu chu NMI sum jouse record bol dinga mopo ahi. NMI sumching le akipunkhoma sumching chun gel gel a ahileh, amani chun kithokhoma NMI sumho record abol gel lhon ding ahi.

Sum Pehdohna (Disbursing Fund)

Sumho athot dohna ding dol mun/office a kithotdoh pai hin phat ahuhdoh a chuleh boina hunglung thei ding ho peldoh thei ding ahi.

- ☞ **Africa, Asia Pacific, Eurasia, Mesoamerica, le South America Region ho:** Sum jouse chu regional office ho a athot cheh diu, hiche a kon amahon Global Treasury Services a athotson kit diu ahi.
- ☞ **Canada:** “Church of the Nazarene Canada” mina check asem diu ahi. Chuteng Church of the Nazarene Canada, 20 Regan Road, Unit a, Brampton, ONL74 IC3, CANADA a thot diu ahi.
- ☞ **United States:** U.S.A. houbungho dinga het ding chu NMI khutchoibu a version lhingset pen a chu abol dan umtha ahitai.

Akimunaho (Resources)

- * NMI website www.nazarenemissions.org
- * Church of the Nazarene website www.nazarene.org
- * Stewardship website www.nazarene.org chuleh “Stewardship” kiti na chu ven(click).
- * JESUS Film Harvest Partners website www.jfhp.org

Endnotes

¹ NMI Constitution, Article V, Section 1.C.2. leh D.4

BUNG 5

Themjilna (Educating)



*“Chutah chun athujop chan chu baptize achang tauve; chule hiche nitah chun amaho chu mi sangthum jen in abe tauve. Chuin amaho chu solchah ho **thuhil a**, kithokhom in, changlhah semkeh in, chule taona in jong gunchu tah in apangdet jing tauve.”*

(Solchah 2:41-42)

*“Hijehchun nangho cheuvin chule namtin a mijouse seijuijin ga sem un... Keiman nangho ka thupeh jouseu hi anitna ding un **gahil un**.” (Matthew 28:19a-20a)*

NMI bidoi alina chu: **Themjilna – Vannoijin angaichat ho chu miho hetsah a chule ihoubung hou vin hiche ngaichat ho Christa muthei ahi ti hetsah ding ahi.**

Themjilna hi bidoi bulpipen ahin, bidoi dang thumho pansatna a pang ahi. Nazarene ho hin a “het” tengu le bou tao thei uva, seijui semna le thilpeh abolthei jiu ahi. NMI lamkaiho hin vannoi pumpia ngaichat ho leh hiche ho chu Christa Jesua muthei ahi dan chu thanomtah a aphabethei pen a miho ahilthem diu ahi.

Vannoi huop a Nazarene ho hin houbung a mission thusim ho hi miho aseipeh jiu ahi. Thusim hilna/ seinahin vannoi pumpia missions a dinga nasatah a lunglutna chu milungsunga oltah a aphudetpeh ahi. Jesu nungjuiho chun adihpen chu ahetheng ule, midanghon Pathen kouna angaiju chu ajauvin, amaho jong chutobanga panla ding chun choudoh in aumjuuvin ahi.

Mission thusimho seipehna a tolsung houbungho kithopi dinga NMI hi akipedohsa a um ahi. Tolsung houbungho dinga seipehna ding thil jatchom chom le sumlepai a kithopi ding jeh a kona hiche hi kisubulhit ji ahi.

Mission Themjilna ding Lekhabu Kitatdoh ho leh Kihoumattona dinga Manchahho kimuna

NMI Mission Lekhabuho

Pilhing Lekhabuho: Vannoi pumpia missions thusim kiseina Lekhabu bug up beh hi kumseh leh kitatdoh ji ahi. Lekhabuho chu athungai thei dinga CD a kitem jong aum in ahi. Nazarene Publishing House a kona bu gup ho chu aloma kijoh doh ji ahi. NPH website <www.nph.com> a lut inlang “NMI Missions Books” kitilai chu holdoh in.

Khangdong Lekhabuho: English paova kijih pilhing lekhabu lah a buthum ho chu khangdongho ding monga kumseh le kibolpeh ji ahin, Nazarene Publishing House ah



buthum ho aloma kibol muthei ahi. NPH website <www.nph.com> a lut inlang “NMI Books” kitina a kon chun holdoh in.

Chapangho Lekhabuho: Kum seh leh sappaoivin bug up akitatdoh in, buthum chu asimho jouse a ding ahin, buthum chu lekhasim taima deh ho ding ahi. Hiche chu Nazarene Publishing House a kona aloma muthei ahi. NPH website <www.nph.com> a lut in lang “NMI Missions Books” a holdoh in.

NMI Lekhabuho (jildinga kigongdoh ho)

- ☞ **International Mission Education Journal (IMEJ):** Manchah ding Lekhaho, pilhing le chapangho lekhabuho annoija kiseiho hi, Spanish, Portuguese, French, Thai leh English a aum in ahi. Hiche hi houbung miho USA/Canada Region polama umho leh United States le Canada a English pao tho theilouho dinga kibolpeh ahi. IMEJ hi English hilouva pao danga athon’a NMI website <www.nazarenemissions.org> a kona muthei ahi. Paochom choma kiledohsaho jouse chu Regional Office ho a kona muthei sohkei ahi.
- ☞ **Pilhing Manchah Lekhaho:** Living Mission hin jil ding simmun manchahho, thusimho, video ho leh manchah dangho (practical mission project kihomdoh ho) ahuop sohkei in ahi. Manchah ding dang dangho chu Living Mission website <www.livingmission.com> a kona mudoh thei ahi. Hiche manchah lekha ho hi Nazarene Publishing House a muthei sohkei ahi. NPH website <www.nph.com> a lut inlang “Mission Education” kitilai chu hol in.
- ☞ **Khangdongho ding Manchah Lekhaho:** Hiche manchah hin mission lunggel neina ding le natohna dinga khangdong hon ahinkhou ahin mandoh theina diuva akithopi ahi. Mission tohgon tohdohna lekha kihomdoh hin vannoi pumpia atumbeh a kitongdoh tohgonho toh kijopmat sah dinga khangdongho atilkhoh ahi. Hiche lekha manchah hi Nazarene Publishing House a kona muthei ahi. NPH website <www.nph.com> a lut inlang chule “Mission Education” kiti a konin holdoh in.
- ☞ **Chapangho ding Manchah Lekhaho:** Vannoi pumpi missions thudol hi chapanghon simmun 12 a konin kumseh leh ajil jiuvin ahi. Hiche kum nga sunga elementary school a choi dinga chapangho ding monga kiguong Regional subject bu chu ahi. Hiche hin manchah a ding lamhilna, 24 activity sheets umna CD, chule PowerPoint slides a kibol khutthembu chapangho missions lekhabu bug up ho a kona khatcheh kiladoh ho ahi. Hiche manchahho hi Nazarene Publishing House a aum sohkei in ahi. NPH website <www.nph.com> a lut inlang chule “Mission Education” akon in holdoh in.
- ☞ **Nazarene Media Library** hi website a um ahin, hichun Church of the Nazarene a dinga kitem DVD, CD leh PDF file ho catalogue (holbaina) anei sohkei in ahi.



Library hin NMI, Global Mission leh Nazarene Compassionate Ministries a dinga manchahho anei sohkei in ahi. Website a lut inlang <www.nazarenemedialibrary.org> chu ven.

- ☞ **English hilou manchah dangho:** Mission manchah Lekhabu tamtah ho chu Spanish, Portuguese, French leh Thai paovin aum sohkei in ahi. NMI website a lut inlang <www.nazarenemissions.org> ven lang “Educating” kiti pen chu meh/click in.

Online Resources

- ☞ **Engage** thuso hi **athon a** kimu ahin, web-format magazine ahin achombeh a thupi umho chu miho thusimho, i-houbung houva missions natohna kiboldan thudol a thusoh ho, limlah ho, thusoh ho hichu ana simho le lekhajih hon ahin pehlut ho kiso ahi. Asim dinga kideisah miho chu vannoi pumpia Nazarene ho jouse ahi. Thusoh a kisocho chu pao tamtah a jong ledoh thei ahi. Aban hetbechenna ding le subscribe bolna din, Engage Magazine website <www.engagemagazine.com> ven.
- ☞ **Mission Connection** hi **athon a** kimu thusoh lhaseh a kiso ahin, tolsung houbung sunga NMI lamkaiho manchah ding ahi. Hiche thusoh hi NMI bidoiho mandoh thiena dinga ngaidan lunggel ho le thilbol ding dan dimset ahi. Aban hetbena ding le subscribe bolna din NMI website <www.nazarenemissions.org> a lut inlang chule “Educating” ven, chujoutengle “Mission Connection” kiti chu ven.
- ☞ **Heartline** hi **athon a** kimu lhaseh a kiso newsletter (thusoh lekhathot) ahin, NMI lamkaiho dinga kirem a, hichu district tin’a NMI President ho toh Global Council memberho computer akon a (electronically) kithotdoh ji ahi. Heartline in ahuop chu NMI lamkai ho ding, ipi dinmun hijongle hetding phachom tah tah ho huop lentah a kijih chouna ho um ahi. Hiche hi NMI website <www.nazarenemissions.org> a “A to Z Directory” noi tah’a vetdoh thei ahi.
- ☞ **JESUS Film Harvest Partners** hin website lentah anei in, hichea chun mi hinkho kikhel ho thusim, report ho, thilbol dan ho, sumpehdoh jat ho, poster ho leh adang dang pang sohkei ahin, hichu tolsung a kipana thupha seiphongna a kimang ahi. <www.jfhp.org> ven. Chuban ah JESUS Film Ministry Trips thudol jong website <www.jfhp.org/getinvolved/trips.ctm> ah ven.
- ☞ **Nazarene Compassionate Ministries (NCM)** website hin thusoh ho, thusim ho, hetsahna, tohgon ho, chapang chopna, chule thilpehna lemchang tah ho ahuoptha sohkei in ahi. <www.ncm.org> ven
- ☞ **Global Mission** website hin vannoi pumpia Nazarene ho thudol hetdinga phaho tamtah anei in, Global Mission kinbolna jatchom chom hoa easy links kiti (kijopmatna bailam) jong ahuoptha sohkei in ahi. (Hiche ho chu NMI, NCM, Work & Witness, Youth in Mission, Mission Corps, World Mission Broadcast, etc. ahi.) <www.globalmission.nazarene.org> a ven.

Missionary Home Assignment (Deputation)

- ✿ **Deputation (Thalhenga sol) hi ipi tina ham?** Missionary ho chu innmun a natoh ding akipeh tengle amaho chu anatoh dan thudol leh Pathen in itobanga na atoh hamit thu sei dingin houbung ho ah avahle jiuvin ahi.
- ✿ **Atup:** Mission thusim sein dinga aphachom pen ho lah a khat chu missionary ho houbung ho lah a thusei sah a chule amaho houlimpi chu ahi. Hiche hin vannot leiset chu houbung ho a pohlutna dinga akithopi ahin, chule hiche hi thilboldan khohtah ho lah'a khat "Themjilna" bidoi suhbulhitna khat jong ahi.
- ✿ **Kimanchah ding dan guontohna:** Ahitheile missionary kimanchah ding dan gontupna a hi district tin in houbung ho akithopi ding ahi. Houbung ho hin thusei dang ho kimanchah ding dan mun le phat ho gontupna dinga kithopi dinga district ham ahiloule regional office akihoupi ding ahi. Missionary ho leh mission speaker ho toh nakimanchah khom teng le chapangho le khangdongho jong na pansah tei ding ahi ti hechen in.
- ✿ **Tolom leh Jinlhunna ho:** Missionary ho leh mission speaker ho a dinga houbung khat chun tolom adon diu ahi. Ahungle kuom tenguleh ana jinlhun uva nehlechah jong aguon peh diu ahi.

Bible School ho leh Seminary ho

- 🏫 Vannoti pumpia Nazarene themjilna mun ho hi thuseiho (preachers), mihil ho (teachers), evangelist ho, nurse ho leh milham lamkaiho (lay leaders) kithemchuh sahna mun ahivu. Hiche themjilna hi kipathupha natoh lolhin theina dinga thil khohtah ahi. Hiche thuseiho, mihilho leh milham ho hi amaho umna munchah a Pathen lenggam tungdoh dinga Pathen in amanchah ji ahi. Hijeh a chu, ithemjilna natoh u hi vannoti pumpia lamkaiho leh kelngoipu ho semdohna dinga thil khohtah ahi.
- 🏫 Simlai ho, mihil ho leh asunga natong ho hi na taonau vah geldoh jing un.
- 🏫 Vannoti pumpia Nazarene Theological mun ho vetdohna ding in, NMI website <www.nazarenemissions.org> ah lut inlang "Educating" chu ven.

Manchah kimuna dangho

- 🏠 World Mission Broadcast website <www.worldmissionbroadcast.org>
- 🏠 Global Mission Mobilization website <<http://mobilization.nazarene.org>>
